

中國方志叢書·華中地方·第八三四號

據

清·藍煦等修，曹徵甲等纂
清同治十年刊本

影印

江 西 省

星子縣志

(三)

成文出版社有限公司印行

星子縣志卷之七書院

白鹿洞書院在縣北十五里唐李渤讀書處也貞元中渤與兄涉俱隱廬山而渤養一白鹿甚馴行常隨之人稱爲白鹿先生寶曆中渤爲江州刺史就今書院地創臺榭遂以白鹿名洞先是魯公顏真卿寓郡之五里牌厥後裔孫顏如率子弟三十餘人授經洞中南唐昇元中卽鹿洞建學聚徒置田命國子監九經李善道主之號曰廬山國學宋初置爲書院益開拓之與睢陽石鼓嶽麓三書院並名天下學徒常數十

百人大平興國二年詔從知江州周述請俾國子監給印本
九經驛送至洞號曰白鹿國學七年官其洞主明起爲褒信
縣主簿九年置南康軍洞遂屬焉咸平五年詔有司脩繕祥
符初直史館孫冕請歸老於洞許之未至而卒皇祐中冕子
比部郎中琛因父志增置學舍十餘間於洞旁以教子弟匾
曰白鹿洞書堂四方來學者穀之當塗郭祥正有記刻石後
館燬於兵徙石天慶觀會觀廢刻竟不存清熙六年朱子來
知軍事復拓其址榭軍學教授楊大法縣令王仲傑董建書

院 呂祖謙記

淳熙六年南康秋雨不時高仰之田告病郡守
新安朱侯熹行胝陂塘並廬山而東得白鹿書院廢址慨然
顧其僚曰是蓋唐李渤之隱居而太宗皇帝驛送九經俾生
徒肄業之地也書院創於南唐其事至鮮淺太宗於迅掃區
宇日不暇給之際獎勸封殖如恐弗及規模遠矣中興五十
年釋老之宮圯於寇戎者斧斤之聲相聞各復其初獨此地
委於榛莽過者太息庸非吾徒之恥哉郡雖貧薄顧不能築
室數楹上以宣布本朝崇建人文之大旨下以續先賢風聲

於方來乎乃屬軍學教授楊君大法星子縣令王君仲傑董其事又以書命某記其成某竊嘗聞之諸公長者國初斯民新脫五季鋒鏑之阨學者尙寡海內承平文風日起儒生往往依山林卽閑曠以講授大率多至數十百人嵩陽嶽麓陽陽及是洞爲尤著天下所謂四書院者也祖宗尊右儒術分之官書命之祿秩錫之匾榜所以寵綏之者甚備當是時士皆上質實下新奇敦行義而不偷守訓詁而不鑿雖學問之淵源統紀或未深究然甘受和白受采既有進德之地矣慶

歷嘉祐之間蔡傑並出講治益精 至於河南程氏橫渠張氏
相與倡明正學然後三代孔孟之教始終條理於是乎可考
熙寧初明道先生在朝建白學制教養考察賓興之法綱條
甚悉不幸王氏之學方興其議遂格有志之士未嘗不歎息
於斯當建炎再造典型文獻渡還舊觀關洛緒言稍出於毀
棄崩滅之餘晚造小生驟聞其語不知親師取友以講求用
力之實蹟等虛飾忽近蔡遠未能闕程張之門庭而先有王
氏高自聖賢之漸如是洞之所傳習道之者或鮮矣然則書

院之舊堂新云哉此邦之士盍相與挹先儒涓涓固慤實之餘
風嚴大學雖經辨志之始教由博而約自卑而高以答揚熙
黼黻道樂育之大德則於賢侯之勸學斯無負矣至於考方
志紀人物亦有土者所當講若李濟之之遺跡固不得而略
也僕於是役重民之勞賦功以狹率減其舊十七八力不足
而意則有餘矣興廢始末具於當塗郭祥正所記者皆不書
朱文公疏請勅額併高宗御書石經與監本九經藏於其
中既而學徒日衆尋置谷源等庄及旁邑没入田八百七十

餘畝爲學田以贍之九年朱子遷浙東提舉復遺錢三十萬
屬軍守錢聞詩建禮聖殿並兩廡塑孔子十哲等像越三年
軍守朱端章加板壁繪從祀諸賢像又撥浮屠詭名沒入田
七百餘畝益之嘉定十四年軍守黃桂增闢三門又以沒入
莊田三百畝置西源莊紹定中軍守史文卿建五經堂淳祐
間軍守陳洽建友善及文昌宮咸淳間軍守劉傳漢增置貢
生莊元至元間總管陳炎西繕修院宇大德間燕山崔翼之
爲守增置上壤田百畝

學士虞集記

南康白鹿洞書院山長

學校下

四

朱實翁誦其郡守崔侯之言曰昔者斯洞在南唐時學者之
盛猶至數百人宋初固不待言矣及朱子作而興之以講道
其間其規約之要被乎天下學者嚮往以爲宗焉此其所建
立又非昔人所能者翼之不敏假守茲郡誠不敢以學校爲
緩於聖人之道誠亦知所尊信而未之能學也思致其所以
爲教者而未之能爲也然而瞻其旣稟使其師弟子得安於
內治其業願力雖不足猶庶幾可能乎乃視學田之入而節
縮其冗泛計其貲之積可易民田百畝實翁之未至也教授

王君肖翁實通據書院之事乃能親行田視其肥磽去取之
費所得皆上壤夫侯之意王君之勞田之始入皆不可無記
願刻其事於石嗚呼朱子之書學者蓋家藏而人誦之矣其
於聖賢之傳爲學之要本末始終條分縷析無復餘蘊使窮
鄉下邑獨學特行之士苟能玩而習之恩而得之體而踐之
及其久也猶可以入聖賢之域況乎有名師良友相先後之
討論問辨以求其正觀感契會以推致其極者乎此其人固
何待於人之食之而養用也雖然侯郡守也書院郡之學也

自爲之者其知憂其來者其勿負侯之心也侯名翼之字
顯是燕山人歷官多美政守是郡也三年矣通練樂易敏勤
堅信民無隱情庭無留事其用民力也若增石間繕郡治非
必當爲者不爲也是以事集而人不知擾王君金華人其大
愛而地齊黃氏柴君郡陽人其父師雙峯饒氏皆不忘其世
德故併書之

元季兵燹累世興構鞠爲茂草而學田之疆畛盡亡矣明正
統元年翟溥福來守郡始翦荆棘以復其制成化三年提學

李齡復增廓之置學田書籍祠器等項聘餘干布衣胡居仁
主教四方宗之七年提學徐懷置棲賢橋田八百七十畝宏
治八年提學蘇葵撤而新之

張元貞記

南康郡白鹿書院入

我朝舊守溥福起其廢李僉憲齡新其頽今歲久復多壞吳
蘇僉憲葵以內翰遷提學來與巡按王侍御宗錫謀請一二
憲臣更爲大新之院制中爲文廟爲重門左爲明倫堂爲文
會堂前爲延賓之館規皆仍舊而棟宇堅壯數倍兩隅列諸
舍凡二十楹間則多新增者明倫堂左故有三賢祠以

禮部奏請周朱二夫子而附以陶劉諸賢位各以世列侍御
禮部非宜特創祠每二夫子而陶李諸賢則別祠於其西焉
愚請於禮部宜因茲大新躋周程張朱四夫子於廟西配之
次卽朱子昔所舉行諸君咸以非著典不果昔翟守之起廢
未嘗延師聚徒李提學則禮聘賢士屬各學有志諸生相與
講學焉於時知爲己而學有就者固多然喜名不情者有焉
飾詐希覬者有焉學者於此宜淨滌名利之心力超名利之
關不如是則不惟晦吾道其負正學而玷此地也甚矣胡爲

乎來哉今蘇君亦欲延師聚徒愚敢豫爲戒之以無負今日
大新之盛舉也侍御雅意興學激揚之餘凡新學宮於撫吉
諸郡邑十餘所致力正學甚篤憲臣陸憲使珩沈僉憲清分
巡沈僉憲銳皆不忘吾道者是舉約費千金一出侍御與分
巡之所規畫官民無不聽總其事而責成於經歷馮驥訓導雲
龍江龍則劉守定昌之功爲多蘇君志行必大振正學以副
是舉愚紀其頌因以俟云

學士邵寶清李夢陽唐錦徐一鳴王宗沐巡按陳銓蕭端

崇禎政張元冲知府陳霖羅輅王溱張純知縣崔孜相繼興
理如唐龍泰起蔡宗充主洞事尤稱加意自嘉隆以來增置
田廬有差詳載各縣並洞志萬厯七年大學士張居正請禁
僞學詔毀天下書院鬻田以充邊需都御史邵銳白鹿書院
有勅額並先聖賢遺像不便折毀量留田三百畝備祭祀巡
道王橋隨請留星都二縣田地七百六十餘畝其建昌縣千
餘畝變價解司十一年給事中鄒元標題復參政程拱宸檄
知府潘志伊修字續田規制粗定十七年提學朱廷益禮聘

南昌布衣章潢講明正學知府田琯改創橋梁門路移三賢祠於殿左文會堂於殿右建忠節祠於洗心橋東復五里牌顏家山之鹿洞憇館以元帝宮香資增置田七百餘畝贍生徒四十二年泰議葛寅亮捐俸三百金大加修葺增校舍數十間四十五年知府袁懋貞申請南昌舒曰敬開講筵後舒以讀禮還鄉復推推官李應昇董其事崇禎十三年提學侯峒曾檄推官廖文英領洞事慨然以作人興教爲己任巡按徐養心巡撫劉宗祥會請南昌翰林李明睿主講席尋遷去

國朝順治十四年巡撫蔡士英同前任知府李長春倡復爰檄知府薛所習推官范祔知縣黃秉坤捐貲六百二十二兩一錢八分復買吳蘇子田六百餘畝入洞收租清出本洞原田及新置田分爲上中下三則每畝照則量加除完糧外每年共收洞租銀九百三十八兩零內除七百八十六兩派定支銷欸目餘銀存爲大修等需禮請建昌熊紳維典講學重建大成殿條列規制碑記俱載洞志康熙元年巡撫邵院張朝璘復加修理知縣黃秉坤督建明倫堂推官朱雅辰重建宗